



Senin, 04 Maret 2024
Ogen: Nahum 2:3-13



Kelsehen



Iayak-ayak, kebenen, kebiaren ras perubahen status ngeluh jadi me. Dibata ngakuken maka IA me imbang bangsa Neniwe. Kerina perbahanen Neniwe nandangi bangsa Israel erbahanca lanai ngasup Dibata natapsa. Bangsa pilihanNa enggo kelsehen, seh kelsehenna erkiteken pengelako kalak Neniwe. Lanai tertahan Dibata ngidah si e kerina, e maka icidahkenNa nge pembelanNa man bangsaNa e.

Perubahen geluh pe jadi man bangsa Neniwe. Ndube kuta e bayak, dem alu erta-erta tapi irampoki me, kuta si meriah jadi melungen dengen terulang, ndube iatandai kalak kuta e merawa bagi singa salih bagi anak singa si ibere nakan. Bagenda me anding-andingen si ituriken nandangi Neniwe. Adi enggo Dibata imbang lanai lit dalam menang, lanai lit si malemna.

Arah kai si jadi nandangi Neniwe enda mereken pengajaren man banta maka: *sipemena* Dibata la sinik nandangi perbahanen si dem alu kejahatan. Nandangi kalak si lemah, la ngelawan perbahanen si jahat e, ibahan Dibata me tembe-tembeNa rassa. Selaku kalak sierkiniteken, tangkas maka kita la erhak guna erbalas (bd. Mat. 5:39). Idah Dibata kelsehen bangsaNa kap. *Sipeduaken* i bas paksana iulihken Dibata nge kai sienggo irampas kalak jahat i bas kalak si benar nari. *Sipeteluken* kuasa kalak sierbahan kejahatan labo kap tahan rasa lalap; kebiaren reh me, kegeluhen pe salih me.

Banci jadi melala si idah kejahatan i jah i je si maun erbahanca lit si sangsi guna tetap ngelu bas kebenaran. Piah dungna salih me kegeluhen jadi seri ras doni enda. Wari enda mulihi ipersingeti me kita selaku nande tengah jabu. Ngeluhlah i bas kebenaran. Kune lit kelsehen ngidah gelapna doni enda turikenlah man Tuhan. IalokenNa kelsehen e janah ibelaNa me kebenaran e. Ajarkenlah e man sinusurta, sabap adi la kita isenari kari ngajarkenca?.

👉 *“Ngeluh bas kebenaran, ngeluh bas kemenangan Dibata”*



